

Zirundela ad Varzien

S'la culoina piò bela ad Remni,um toca dil
u s'elza la cisa ad Varzien se su campanil;
granda,bela dipinta ad fresc e tota restaureda ,
ma la Madona dla niva la è dedicheda.
E crucifes cl'è tent venered ,
l'ha fat di mirecli de pased ,
Infati quant u 'iera la sicità
il purteva in purtision fina la zità .
Un volta, in'era ancoura riv so me custon
che l'è arvat un bel sguazaroun.
La nostra l' è una parochia viva,brilenta
che i sé l'è fadiga a truyen un'enta.
Rodolfo, l'ha fat un libri sa tot la storia
che l'arvanzara per memoria
la mes i num e al dedi
purché l'in venga piò zcurdedi.
Anche la benca l 'è ste fat'
zent an fa, s'un bel cuntrat.
La parochia la è granda e a nò ancora det
che avem una masa ad ghet.
l'utmi che l'è stè fat, l'è quel di Zaris
e anche ma lou da ste i qua so ui pis
tot famei novi,s'una masa ad burdil
che i'impines al scoli e i'asil.
Avem un prit, don Paolo cl'è com un bon pastour
che guida tot al su pigri vers e Signour
e sa tot la su pazinzia senta
ma la cisa l'arcoi sopra piò zenta
e de mument che avem l'ucasion
al ringraziem per tot quel che fa per nun.
A vlem dedichè sta zirundela ma Varzien
e ma tot i su paruchien
anche ma quei che i què in sta piò
e ogni tent i'artourna sò
a fè dò ciacri in cumpagnea
come se fos ancoura tot una famea.